

«ԳՐԱՆՑՎԱԾ ԳՅՈՒՂԱՑԻՆԵՐԻ» ՎԻՃԱԿԸ ՀԱՅԱՍՏԱՆԻ
ՊՂՆՁԱՐԴՅՈՒՆԱԲԵՐՈՒԹՅԱՆ ՄԵՋ

Վ. Հ. ՔԱՆԱՇՅԱՆ

Հայաստանի պղնձարդյունարերական ձեռնարկություններում XVIII դարի II կեսից սկսած աշխատում էին զգալի թվով բանվորներ, որոնք սակայն դեռ պրոլետարներ չէին: Նրանք ճորտ կամ պետական գյուղացիներ էին, այն տարրերովյամբ, որ բազմաթիվ ֆեոդալական պարտավորություններ կատարելուց բացի ենթարկվում էին նաև արտատնտեսական շահագործման՝ որպես գործարանային բանվորներ: Այդպես է եղել դրությունը ոչ միայն մեր իրականության մեջ, այլև շատ այլ երկրներում:

Վրաց թագավոր Հերակլ II-ը XVIII դարի 60—70-ական թթ. ձեռնարկելով Հյուսիսային Հայաստանի արծաթի և պղնձի հանքավայրերի շահագործման աշխատանքները, հրավիրեց հույն հանքագործ մասնագետներին: Վերջիններս իրենց ընտանիքներով բնակություն հաստատեցին Լոռու գավառի Ախթալայի և Ալավերդու արծաթի ու պղնձի հանքավայրերում: Հույն հանքագործները չնայած եղած արտոնություններին, այնուամենայնիվ չէին կարող սկսել հանքերի շահագործումը, քանի որ չունեին անհրաժեշտ քանակությամբ բանվորական ուժ ինչպես հիմնական, այնպես և մի շարք օժանդակ, բայց չափազանց ծանր աշխատանքներ կատարելու համար, ինչպես, օրինակ, անտառափայտ հատելը, ածուխ պատրաստելը, հանքաքար ու ածուխ տեղափոխելը, փութեր փչելը, հնոցներ լցնելը և այլն: Երկրամասում ինչպես հայտնի է, գոյություն չունեին ազատ բանվորական ձեռքեր և եթե նույնիսկ այդպիսիները գտնվեին էլ, ապա հույն հանքագործների համար բոլորովին շահավետ չէին: Այդ պատճառով էլ նրանք առաջին հերթին պահանջեցին հանքերին և գործարաններին տրամադրել անհրաժեշտ քանակությամբ աշխատող ձեռքեր:

Հերակլ II-ը ընդառաջեց հույն հանքագործների պահանջին և նրա հրամանով հանքերին ու գործարաններին զբաղեցվեցին 32 հայկական գյուղեր, որոնք ունեին 1344 ծուխ, կամ 7046 շունչ: Այդ գյուղերը պարտավոր էին ամբողջ տարվա ընթացքում անհրաժեշտ քանակությամբ ձիավոր և հետիոտն աշխատող տրամադրել հանքերին և գործարաններին՝ օժանդակ աշխատանքներ կատարելու համար: Միայն Ախթալայի հանքերին և գործարանին ամեն ամիս տրամադրվում էր 100-ական զբաղեցված գյուղացի անտառափայտ հատելու, ածուխ պատրաստելու, զրանք գործարան տեղափոխելու, իսկ 120—150 հոգի

¹ «Приписные к заводам деревень было 32, из них 22 находились в бывшей Казахской дистанции и заключили в себе 1082 дыма, или 4620 душ, а 10 в Борчалинской дистанции, 2426 душ в 262 дымах, жители всех этих деревень армяне» (м.л.у. Центральный государственный исторический архив Ленинграда (ЦГИАЛ), фонд 37, опись 11, дело 148, листы 206—207).

էլ՝ փութեր փշելու և այլ օժանդակ աշխատանքներ կատարելու համար²։ Ամեն մի գրանցված գյուղացի մեկ ամսվա ընթացքում պարտավոր էր ամենագծվա-
րին պայմաններում անտառափայտ հատել, 13—15 բևռ ածուխ պատրաստել
և այն տեղափոխել գործարան։ Գյուղացին գործարան փոխադրված ամեն մի
բևռ ածուխի համար պետք է ստանար 30 կոպեկ։ Նրանք աշխատում էին սե-
փական գործիքներով և բաշոյ ուժով, թեև դրա համար լրացուցիչ վարձատրու-
թյուն չէին ստանում։ Դեռ ավելին, եթե գյուղացին ձի չունէր և ի վիճակի չէր
ածուխը գործարան փոխադրել, ապա նրանից ամեն մի բևռի համար պահում
էին 20 կոպեկ։ Բացի դրանից, անտառապահի օգտին ամեն մի գյուղացուց
ամսական պահվում էր 40 կոպեկ։ Այն գյուղացիները, որոնք գործարանում
աշխատում էին որպէս փութ փշողներ, ստանում էին շուշն հանքագործներից
20 կոպեկ և թագավորից՝ 10 կոպեկ օրավարձ, բայց պարտավոր էին իրենց
աշխատածի տասներորդ մասը հանձնել մինրաշուն³։

Ոսկայն գրանցված հայ գյուղացիները լիովին չէին բավարարում հանքե-
րի և գործարանների համար անհրաժեշտ աշխատող ձեռքերի պահանջը։ Դրա
համար էլ Վրաստանի տարրեր մասերից, հատկապէս հյուսիսային շրջաննե-
րից, 40—50 ձորա գյուղացիներ բռնաթշուժը քշվեցին Ախթալայի և Ալավերդու
հանքերում և գործարաններում աշխատելու։ Վրացի գյուղացիները, որպէս
օժանդակ բանվորներ, իրենց իրավունքներով և պարտավորութուններով հա-
վասարեցված էին գրանցված հայ գյուղացիներին և վարձատրվում էին նրանց
նման⁴։

Շուշն հանքագործները գրանցված գյուղացիներին հարկադրում էին աշ-
խատել այնքան ժամանակ, ինչքան իրենք էին անհրաժեշտ համարում։ Մեկ
հասած որոշ տեղեկութայուններից երևում է, որ հանքերում օգտագործվում էր
նաև անչափահասների աշխատանքը։ Շուշն հանքագործները երեխաներ էին
վարձում մոտակա հայ և ադրբեջանական գյուղերից։ Ազգատուժյան ճիրան-
ներում տառապող գյուղացիները, իրենց դրությունը դնել մի քիչ թեթեւացնելու
համար, ստիպված տաժանակիր աշխատանքի էին ուղարկում նաև երեխանե-
րին⁵։

Գրանցված գյուղացիների ծանր վիճակը համարյա թե փոփոխության
չենթարկվեց XIX դարի սկզբներին, երբ 1803 թ. Ախթալայի և Ալավերդու գոր-
ծարանները դարձան պետական պոսեսիոն գործարաններ։

² «Акты собранные Кавказской археологической комиссией», т. II, № 203.

³ Շուշն տեղում։

⁴ Շուշն հանքագործները 1802 թ. դեկտեմբերի 23-ին Վրացական Լեոնային արշավախմբի
պետ Ա. Մուսին-Պուշկինի անունով գրված իրենց խնդրագրի մեջ խոսելով գրանցված գյու-
ղացիներ տրամադրելու անհրաժեշտության մասին, նաև նշեցնում էին. «сорок человек име-
ретинцев прежде обращались у нас в работах, и получали от казны через минбашиев
свое жалованье, когда же работали они для нас, то мы платили каждому по 20 к.
серебром в сутки» (տե՛ս «История горной промышленности Закавказья в документах»
Тбилиси, 1936, № 138)։

⁵ 1802 թ. Ախթալայի և Ալավերդու հանքերի և գործարանների վիճակը պարզելու համար
այնտեղ ուղարկված Բորգուսովը գրում էր հետևյալը. «подъем руд вместе кон-
ных или ручных ворот, совершался посредством мальчиков, которые, положа в кожан-
ный мешок руды, по силе своей и привязав его за плечи, тащили как бы четвероногие
животные на верх» (տե՛ս С. Эсадзе, Очерки истории горного дела на Кавказе,
Тифлис, 1903, № 86)։

Վրացական Լեոնային արշավախմբի պետ Ա. Մուսին-Պուշկինը պետական պոսեսիոն գործարանը մեծ բանակությամբ աշխատող ձեռքերով ապահովելու համար աճհրաժեշտ էր գտնում Լոռու հանրային շրջանը բնակեցնել հայ գաղթականներով, նրանց մտցնելով պետական գյուղացիների շարքը և դրանցելով գործարաններին⁶։ 1804 թ. Ախթալայից թաղավորի անունով գրված մի նամակում Մուսին-Պուշկինը խնդրում է այնտեղի գործարաններին իրենց չրավունքներով հավասարեցնել Ռուսաստանի գործարաններին. դա հնարավորություն կտար Ալավերդու և Ախթալայի հանքերն ու գործարանները ապահովել բանվորներով⁷։

Վրացական Լեոնային արշավախումբը, անկախ այն բանից, թե ինչպես կվճարեին հանքերն ու գործարանները բանվորական ուժով ապահովելու հարցը, շտապում է բավարարել հույն հանքագործների պահանջը՝ տրամադրելով նրանց դրանցված գյուղացիներ⁸։ Սակայն Լեոնային արշավախմբի համար պարզ էր, որ եղած աշխատող ձեռքերով հնարավոր չէր իրականացնել արտադրության ռեզյայնման ծրագիրը։ Այդ պատճառով ոչոչում է ընդունվում նախկինի համեմատությամբ կրկնակի չափով ավելացնել գրանցված գյուղացիների քանակը⁹։ Իշխան Ցիցխանովը հաստատում է Լեոնային արշավախմբի կողմից նախատեսված բոլոր միջոցառումները և կարգադրում տեղական իշխանություններին խստորեն հետևել դրանց կատարմանը¹⁰։

Իշխան Ցիցխանովի կարգադրությունը՝ «Գրանցված գյուղացիներին Ալավերդու և Ախթալայի գործարանների աշխատանքներում օգտագործելու պայմանների մասին» ուղարկվել է ոչ միայն նրա համար, որ լիովին բավարարեց հույն հանքագործների պահանջը, այլև նրանով, որ անհշան փոփոխություններով ուժի մեջ մնաց մինչև 1850 թ., երբ վերացվեց գրանցված գյուղացիների կատեգորիան։

Կովկասի կառավարիչը կարգադրում է ամեն ամիս գործարաններին և հանքերին տրամադրել վրաց վերջին թաղավորներ Լերակլի և Դեոբդիի կողմից սահմանված գրանցված գյուղացիներին, հետևյալ կարգով. 100 մարդ Ղաղախից, 40-ը՝ Շուլավերից, 10-ը՝ Ուղունյարից և Գսեդից, 10-ը՝ Շնոդից, 2-ը՝ Հադրատից, 20-ը՝ Մելիք-Արովլի մոտից։ Իշխան Ցիցխանովը այնուհետև գտնում էր, որ հանրային արդյունաբերության հետագա լայնացման նպատակով լրացուցիչ կերպով անհրաժեշտ է ուղարկել 100 գրանցված գյուղացի նաև հետևյալ մոտակա վայրերից. 45 մարդ՝ Փամբակից և Լոռուց, 8-ը՝ Շնոդից, 6-ը՝ Ուղունյարից և Գսեդից, 12-ը՝ Պրիգոմբրեկից, 7-ը՝ Շամխորից, 5-ը՝ Երևանից, 5-ը՝ Սարգից և 12-ը՝ Մելիք-Արովից¹¹։

⁶ ЦГИАЛ, ф. 37, оп. 13, д. 7, лл. 85—87.

⁷ Նույն տեղում, оп. 11, д. 6, л. 57.

⁸ 1802 թվականի գեկտեմբերի 23-ին հույն հանքագործները Ա. Մուսին-Պուշկինին գրում էին, թե նախկինում նրանք թաղավորից ստանում էին 150 ամիսագործներ, 40 հոգի էլ Իմերեթիայից, 10 հոգի՝ Շնոդ և 2 հոգի էլ՝ Հադրատ գյուղերից (տե՛ս «История горной промышленности Закавказья в документах», էջ 138)։

⁹ «История горной промышленности Закавказья в документах», էջ 139—142.

¹⁰ Նույն տեղում, էջ 162—163.

¹¹ Վրացական Լեոնային արշավախումբն իր սրբման մեջ նախատեսել էր պահանջել լրացուցիչ կերպով բնագավառը 80 գրանցված գյուղացիներ (տե՛ս «История горной промышленности Закавказья в документах», էջ 140)։

Փրանցված գյուղացիների համար սահմանվեցին հետևյալ պարտավորությունները: 1. Պործարանները գյուղացիներին ազատում էին աշխատանքից ցանքսի և բերքահավաքի շրջանում: 2. Պործարանի կողմից անտառի պրիստավին—բյումուրչիրաշուն աշխատավարձ նշանակելու կապակցությամբ գյուղացիներին ազատել նրանց վճարելու պարտավորությունից: 3. Տարբեր աշխատանքների փոխարեն ամեն մի գյուղացի կկատարի մի աշխատանք: 4. Յուրաքանչյուր գյուղից ուղարկվող աշխատողների կեսը պետք է լինի հետիոտն և կեսը՝ ձիավոր: 5. Պործարանները պարտավորվում են՝ հետիոտն աշխատողին վճարել ամիսը 4 ռ. 50 կ. իսկ ձիավորին՝ 6 ոսուրի, այն պայմանով, որ հետիոտնը այդ աշխատավարձով ամիսը 6 սաթեն փայտ կտրի կամ նույն քանակությամբ ածուխ պատրաստի, իսկ ձիավորներից ամեն մեկը պործարան տեղափոխի մինչև 60 ձիաբեռ ածուխ: Այն դեպքում, երբ հնարավոր չէ սահմանել աշխատանքի որոշակի քանակը, հետիոտները պարտավոր են օրվա բնականությամբ աշխատել 12 ժամ, իսկ ձիավորները՝ 10 ժամ: 6. Ճանապարհների և կամուրջների վերանորոգման համար պործարանի մոտակա գյուղերից, անհրաժեշտության դեպքում, հերթականությամբ ուղարկվում են պահանջվող բանակությամբ գյուղացիներ, որոնցից չուրաբանչյուրը, ըստ աշխատանքի ծանրության, ստանում է 5-ից մինչև 10 կոպեկ: 7. Պործարանների անտառներում դարնանք աշխատելու, ինչպես և հրդեհի դեպքում գյուղացիները պարտադիր կերպով աշխատանքի են ուղարկվում, որի համար նրանց ոչինչ չի վճարվում: 8. Պործարանները սննդամթերք և այլ բեռներ տեղափոխելու համար, երբ բեռի ծանրությունը 37—40 փուխ է, վճարվում է ամբողջ օրվա համար 80 կոպեկ¹²:

Կեվկասի կառավարիչ իշխան Յիդիանովի վերոհիշյալ կարգադրությունը ոչ միայն զրանցված գյուղացիների, այլև պործարանի շրջակայքի բոլոր գյուղերի համար սահմանեց այնպիսի պարտավորություններ, որոնք գյուղացիներին փաստորեն դարձնում էին պործարանային ձորտեր: Հայ գյուղացիները, որոնց վրա էր ընկնում նոր պարտավորությունների ամբողջ ծանրությունը, մեծ դժգոհությամբ բնորոշվեցին այդ կարգադրությունը: Գյուղացիների մասսայական անողոր շահագործման այդ որոշման դեմ ելույթներ են ունենում կամ բողոքներ ներկայացնում առանձին գյուղական համայնքներ: Ակսվում է, չայ գյուղացիների երկարատև ու համառ պայքարը նոր շահագործողների դեմ: Այդ պայքարը, որ հիմնականում պատժվ գիմադրության բնույթ ուներ, երբեմն վերածվում էր եռանդուն դիմադրության: Իսկ այն անկազմակերպ գյուղացիների բոլոր ելույթները դաժանորեն ճնշվում էին ցարական իշխանության կողմից:

Առաջինն իրենց ձայնն են բարձրացնում Ղադախի հայերը: Նրանք Ա. Մուսին-Պուշկինին խնդրում էին՝ նախ վճարել պործարաններում աշխատած օրերի համար, ապա «առաջիկայում ազատել մեզ ստիպողական այդ պարտավորության կատարումից և դրա համար օգտագործել միայն նրանց, ովքեր ցանկանում են»¹³: Իսկ Եղեհի գյուղացիները կազմակերպված դիմադրություն են ցույց տալիս, երբ փորձում են նրանց հարկադրաբար ուղարկել պործարանային աշխատանքի: Այդ միտքն Լոռու գավառի կապիտան-խապրավինիկ Տրետյակովը 1803 թ. ապրիլի 3-ին Վրաստանի գերագույն կառավարչությանը

¹² «История горной промышленности Закавказья в документах», т. 1, 162—163:

¹³ Նույն տեղում, տ. 1, 137:

ազդորդում է, թե երբ դավառի պաշտոնական անձինք ժամանեցին Բոլնիս՝ հավաքագրելու նախատեսված զրանցված գյուղացիներին, ապա վերջիններս ոչ միայն կուպիտ կերպով հրաժարվեցին կատարել այդ պահանջը, այլև խակահան խուլովություն սարքեցին՝ ցցուղից բշկով պաշտոնական անձանց և ծեծելով նրանց հետ գյուղ եկած զրադիր Ռաֆայել Մանեուրովին¹⁴։ Ալեքսանդր I կայսեր անունով բողոք են դրում Շնոդի գյուղացիները։ Նրանք հայտնում են, որ այլևս ի վիճակի չեն տանելու իրենց վրա դրված պարտավորությունը, երբ գյուղից պահանջվում է ամեն ամիս գործարանին տրամադրել 18 մարդ և նույն քան էլ քաշող անասուն¹⁵։

Ցարական իշխանավորները ամեն մի դժգոհություն և բողոք դիտում էին որպես խուլություն և ճնշում էին դաժանորեն։ Բռնությունով և պահակազորի օգնությամբ գյուղացիներին քշում էին դեպի գործարանները և հարկադրում աշխատել։ Սակայն բռնի կերպով աշխատանքի բերված գյուղացիներն օգտագործելով առաջին իսկ հարմար առիթը, փախչում էին աշխատանքից և թաքնվում անտառներում։ Այդպիսի հարյուրավոր փախուստների մասին Վրացական ՍՍԽ պետական պատմական արխիվի ֆոնդերում պահպանվել են մեծ քանակությամբ փաստաթղթեր¹⁶։

Ալավերդու և Ախխալայի գործարանների վարչությունների կազմած տեղեկանքները ցույց են տալիս, որ աշխատանքի չներկայացող գյուղացիների թիվը մեծ քանակ է կազմում։ Այսպես օրինակ, 1803 թ. ոչ բոլոր ամիսների համար կազմված տեղեկանքից երևում է, որ Ալավերդու և Ախխալայի գործարաններում աշխատանքի չեն ներկայացել 372 զրանցված գյուղացի՝ 256 ձիով, այդ թվում Ղազախից 69 մարդ, Բոլնիսից (Մելիք-Ներովի մոտից)՝ 95, Շուլավերից՝ 54, Փամբակից և Լոռուց՝ 33 և այլն¹⁷։

Լեոնային արշավախումբը և գործարանների վարչությունը, ինչպես և տեղական իշխանությունները, անդոր էին կանգնեցնելու զրանցված գյուղացիների մասսայական փախուստը։ Աշխատանքը լքելու և չներկայանալու դեպքերն այնպիսի չափեր են ընդունում, որ Վրաստանի կոռումլարիչ Ֆ. Ալավերդովը 1808 թ. հուլիսի 10-ին կարգադրում է. «Անհրաժեշտ եմ գտնում, որպես վերջին միջոց փախչող գյուղացիներին աշխատանքում պահելու համար, կազմել նրանց անվտանգական ցուցակները, ցույց տալով գյուղերը, որի միջոցով հնարավոր կլինի նրանց գտնել և հանձնել խստագույն դատի»¹⁸։ Ինչպես երևում է, այդ միջոցն անգամ չի օգնում գյուղացիների մասսայական փախուստի առաջն առնելուն։ Նույն Ֆ. Ալավերդովը 1810 թ. դեկտեմբերի 29-ին կարգադրում է Բորչալուի և Ղազախի՝ աշխատանքը լքած և փախած գյուղացիներին պահակազորի հսկողության տակ, կապկապված վիճակում վերադարձնել գործարան և որպես պատիժ նրանց ստիպել աշխատելու երկու ամիս¹⁹։ Սակայն ցարական իշխանությունների ամենադաժան միջոցներն անգամ հնարավորություն չէին տալիս գործարաններն ու հանքերը ապահովել անհրաժեշտ քանակությամբ

14 Նույն տեղում, էջ 179։

15 Նույն տեղում, էջ 180—181։

16 ЦГИА Груз. ССР, ф. 267, д. 6, 28, 141 և այլն։

17 «История горной промышленности Закавказья в документах», էջ 211։

18 Նույն տեղում, էջ 313։

19 Նույն տեղում, էջ 330։

աշխատող ձեռքերով: Այսպիսով և Ախթալայի գործարանների վարչության րազմաթիվ հաղորդագրություններից երևում է, որ այդ գրությունը շարունակվում է նաև հետագայում²⁰: Օրինակ, 1813 թ. հունիսի 1-ին Այսպիսի գործարանի վարչության մի գեկուցագրից երևում է, որ Ղազախի գիտաանցիայի տարրեր գյուղերի 41 գյուղացիներ, որոնք աշխատում էին անտառում, խոտովություն եւ բարձրացրել և փախել²¹:

Գործարանում գրանցված գյուղացիների վիճակը ավելի էր ծանրանում տեղական կալվածատերերի հարստահարությունների հետևանքով: Լեոնային արշավախմբի շինովնիկներից մեկը իր մի գեկուցում գրում էր. «...Չեմ կարող չհաղորդել գրանցված գյուղացիների նկատմամբ աղալարների չարաշահումների և ճնշումների մասին և խնդրում եմ, որպեսզի այդ խեղճ ժողովրդին մի որևէ օգնություն հասցվի»²²:

Կալվածատերեր Մելիքովները, Արզումանները, Բարաթովները, Աբովները, Շահնաղարովները և շատ ուրիշներ, հատկապես օտարազգի աղալարները, ամեն գնով աշխատում էին մի որևէ մաս կամ շահ բռնելու պահանջների շահագործումից: Իսկ երբ այդ նրանց չէր հաջողվում, ապա նրանք բազմաթիվ բռնություններ էին ներկայացնում կառավարությանը և պահանջում էին իրենց գյուղացիներին ազատել գործարանային աշխատանքներից: Այսպես, օրինակ, իշխան Բարաթովը 1811 թ. մի գիմումով Այսպիսի գործարանի վարչությունից պահանջում էր, որ իր գյուղերից գործարանային աշխատանքի համար գյուղացիներ չվերցնեն²³:

Վրացական Լեոնային արշավախմբի պետ Ա. Մուսին-Պուշկինը 1804 թ. իշխան Ցիցխանովին ուղղած գեկուցագրում հատկապես նշում է գործարաններին գրանցված գյուղացիների անտեսական ծանր գրությունը²⁴: Ա. Մուսին-Պուշկինին հայ գյուղացիների ծանր գրությունն անհանգստացնում էր այն պատճառով, որ անտեսական բախրացված, դառն աղքատության դուռը հասած գրանցված գյուղացիների աշխատանքը գործարաններում և հանրերում արդյունավետ չէր և դժվար էր այդ պայմաններում առաջ տանել հանրավայրերի շահագործումը: Իշխան Ցիցխանովը նույնպես չէր թարցնում հայ գյուղացիների անտեսի ծանր վիճակը և Պետերբուրգ ուղարկած իր գեկուցագրում խորհուրդ էր տալիս հրաժարվել հանրերի և գործարանների այդ շահագործման ձևից²⁵: 1806 թ. Այսպիսի և Ախթալայի հանրերի ու գործարանների վիճակը ստուգող Լոգինովին իր գեկուցագրում հասուկ ուշադրություն է դարձնում գրանցված

20 Նույն տեղում, էջ 316, 317—318, 403, 428, 550, 554, 570, 581 և այլն:

21 Նույն տեղում, էջ 403:

22 ЦГИА Грyз. ССР, ф. 267, л. 28.

Անդրեկովիստում ծառայող սույն բարձրագույն շինովնիկներն իրենց մի շարք գեկուցագրերում և մինչև իսկ պետական պաշտոնական գրադրություններում չէին կարողանում թարցնել հայ գյուղացիների անտեսի և ամենադժան հարստահարման փաստերը: 1802 թ. գրված պաշտոնական մի փաստաթղթում խոսելով գործարաններին գրանցված գյուղացիների աշխատանքի կարգավորման մասին, նշվում է. «О прекращении того, чтобы агалары, мелики и кехви не изнуряли их своими работами и поборами в свою пользу» (տե՛ս «Акты», т. II, էջ 203):

23 «История горной промышленности Закавказья в документах», էջ 335:

24 «Акты», т. II, էջ 208—209:

25 ЦГИА.Г, ф. 37, оп. II, л. 7, лл. 27—28.

գյուղացիների ծանր վիճակին: Եւս գրում է, որ գրանցված գյուղացիները միայն հայեր են: Նրանք աշխատում են գործարաններում և հանքերում, բայց ազատված չեն պետական և կալվածատիրական մշուս պարտականություններից և այն կատարում են վերատանի մշուս գյուղացիների հետ համահավասար: Այդ երևույթը նրանց հասցրել է լիակատար տնտեսական բայթայման²⁶:

Հայաստանի հյուսիսային շրջաններում ապրող գրանցված գյուղացիները, վերը նշված պարտավորություններից բացի, կատարում էին նաև պատերազմական տարիներին սահմանված բազմաթիվ այլ կարգի պարտավորություններ:

Այսպիսով և Ախթալայի պոսեսիոն գործարաններում սահմանված էին դաժան կարգեր: Գրանցված գյուղացիներին բոնի կերպով բշում էին ամենաձանր տեղամասերը և ստիպում էին աշխատել ալնքան, ինչքան անհրաժեշտ էին գտնում, թեպետ սահմանված էր, որ ձիալոր գյուղացիները պետք է աշխատեն 10 ժամ, իսկ հետիոտները՝ 12 ժամ²⁷: Գրանցված գյուղացիների կողմից զժգոհության ամեն մի արտահայտություն զիտվում էր որպես խոտվության փորձ և զժգոհներն ամենադաժան կերպով պատժվում էին: Այդ կապակությունը բնորոշ է 1804 թ. գործարանի կառավարիչ Ա. Բորզոնովի կազմակերպած մասսայական պատժի պատմությունը: Ձմռան մի շատ ցուրտ օր ոտարորիկ, վատ հագնված գյուղացիները խնդրեցին տպատել իրենց այդ օրը փայտկոտրելուց և ուրիշ աշխատանքի ուղարկել: Գործարանի կառավարիչ Ա. Բորզոնովը կարգադրեց՝ «խոտվարարներին» շրջապատել զինվորներով և զավազաններով ծեծել: Այդ դաժան էկզեկուցիային զոհ եղան վեց բանվոր և մի քանիսն էլ աշխատանքի անընդունակ դարձան²⁸: Գործարանի կառավարչի և մշուս աստիճանավորների կամայականությունները, նրանց տմարդի վերարերմունքը զեպի գրանցված գյուղացիները այնպիսի չափեր էին ընդունել, որ Փամբակի զավառի հայ գյուղացիները ստիպված եղան Լեոնային արշավախմբին ներկայացնել մի խնդրագիր, որտեղ ասված է. «1. Բանվորների զլխին կարգված կառավարիչը նրանց պատժում է այնպես խստորեն, որ մի անտանելի ծեծից հետո վեց հոգի տեղից չարարձրացան և ոչ մի հույս չկա, որ զրությունն ապաղաչում կլավանա: 2. Բանվորները լսել են, որ իրենց աշխատանքի համար սահմանված է աշխատավարձ, բայց ոչ մեկը ոչ մի կոպեկ չի ստանում, չնայած սեփական անասուններով կրում են պզինձ և այլ բաներ, բայց և զրա համար էլ չեն վճարել ոչ մի կոպեկ: 3. Նույն այդ կառավարիչը իր անձնական կարիքների համար մշտապես վերցնում է ձիեր և զնում է, ուր որ ցանկանում է, սակայն զրա համար էլ ոչինչ չի վճարում: 4. Աշխատող բանվորներից վերցրել են նաև պարկեր իրենց կապերով և ինչ են արել, մեկ անհայտ է»²⁹:

Այդ վավերագիրը մեր իրականության մեջ գործարաններում աշխատող բանվորների առաջին զրավոր բողոքն է իրենց հարստահարիչների զեմ³⁰:

²⁶ Նույն տեղում, թ. 86:

²⁷ «Акты», т. V, էջ 289:

²⁸ ЦГИАЛ, ф. 37, оп. 3, д. 265, л. 16

²⁹ «История горной промышленности Закавказья в документах», էջ 203: ЦГИА Груз. ССР, ф. 267, д. 28, л. 144.

³⁰ Այսպիսով աշխատող պաշտոնյաներից մեկը թաքավորի անունով զրված իր նամակում նշում է. «Ասում են, որ նրանք այդ մասին բողոքել են, որը հայերին ոչ մի օգուտ չի բերել» (տե՛ս ЦГИАЛ, ф. 37, оп. 3, д. 265, л. 16):

Ա. Բորզունովը չի թաքցնում, որ կարգադրել է գյուղացիներին ծեծել, բայց պնդում է, որ ամեն մեկը ստացել է 30-ից մինչև 50 ձիպոտի հարված և ու ավելի³¹:

1806 թ. նոյեմբերի 2-ին Ղազախի գիստանցիայից գործարաններին գրանցված 22 գյուղերի աշխարհ Կովկասի գործերի գլխավոր հրամանատար գեներալ Գուդովիչի անունով մի խնդրագիր են ներկայացնում, որտեղ պատմում են գրանցված գյուղացիների պաժան շահագործման մասին: Նրանք գրում էին, թե ինչպես սահմանված 4 ուսույթի ամսական աշխատավարձի փոխարեն նրանց վճարում են ամսական միայն 60 կոպեկ, երբեմն էլ 80 կոպեկ կամ մեկ ուսույթի: Գործարանի կառավարիչներն այն աստիճան են մարդկանց նեղում, որ աշխատողն իրեն հասանելիքը տալիս է որպես կաշառք, միայն թե որեւէ կերպ ազատվի գործարանային աշխատանքից:

Մայր Բորզունովը այնքան պաժառ էր, որ նրա անդամ ծեծերի հետևանքով մահացել են 5 մարդ, որանցից երկուսը՝ Բեկանովը և Մխիթարովը Աղդան գյուղից, Ակոսովը՝ Սերաբ գյուղից, Բարասովը՝ Փիփեղ գյուղից և Ղազարովը՝ Թարակ (Խաչթառակ) գյուղից: «Մայրը մեզ այնքան է ճնշում, որ մինչև իսկ հասանելիք վարձը լրիվ չի վճարում, բայց մեզանից ստացական է վերցնում լրիվ վճարման մասին: Աշխատանքային ամիսը վերջանալուց հետո մարդկանց չի թողնում տուն վերադառնան, իսկ երբ նրա կամքին հակառակ ժամկետը լրանալուց հետո վերադառնում են, ապա նրանց ոչինչ չի վճարում»: Ղազախի գյուղացիները արդարություն խնդրելուց հետո զգուշացնում են, որ այլևս ի վիճակի չեն տանելու այդպիսի վերավորանքներ³²:

Գրանցված գյուղացիներին տանջելու, նրանց աշխատավարձ չվճարելու մասին Կովկասի կառավարչությանը 1805 թ. ապրիլի 21-ին բողոքում է անդամ Բոլնիսի կալվածատեր Մելիք-Արտվը³³:

Ա. Բորզունովի նման իրենց իրավունքները չարաշահում էին նաև նրա ծառայողները, երբ գեկավարություն պահանջով մեկնում էին գրանցված գյուղերը՝ աշխատող ձեռքեր բռնելու: Ղազախի գրանցված գյուղերի քյոխվաները 1806 թ. հունվարի 5-ին տված իրենց ցուցմունքի մեջ բողոքում են յասաուլ Ղազար Գովլաթիկովից, որը գյուղացիներին աշխատանքի է վերցնում իր քամահաճույքով, խախտելով սահմանված հերթականությունը, անարդար կերպով պատժում է, իր ապրուստի համար բնակիչներից հացահատիկ է խլում և ծանր պահանջներ ներկայացնում գյուղացիներին³⁴:

1803—1805 թթ. բռնկված տարախոխիկ հիմանդրությունները (մասնավորապես ժանտախտը) մեծ չարիքներ պատճառեցին հանքերում ու գործարաններում աշխատող բանվորներին և գրանցված գյուղացիներին: Լենինգրադի պետական պատմական կենտրոնական արխիվում պահպանված են ժանտախտի համաճարակից մահացած չինովնիկների ու վարպետների անունները. փաստաթղթում իմիջիայլուց նշված է, թե «անշափ շատ է նաև ժանտախտից մահացած գրանցված գյուղացիների թիվը»³⁵:

³¹ «История горной промышленности Закавказья в документах», т. 203.

³² Նույն տեղում, էջ 604—605.

³³ Նույն տեղում, էջ 221, 262.

³⁴ Նույն տեղում, էջ 269.

³⁵ ЦГИА.П, ф. 37, оп. 11, д. 6, л. 41.

Ախթալայի և Ալավերդու պետական պոստսիստի գործարանները չէին արգարացնում այն հույսերը, որ ունեին պղնձահանքերի շահագործումը ձեռնարկող Հեռնային արշավախմբի շինովնիկները: Նրանք փորձում էին անհաջողության ամբողջ մեղքը բարդել զրանցված գյուղացիների վրա: Ուշագրավ է, որ հույն հանքագործները պղնձի, արծաթի և մյուս մետաղների հանույթի ու ձուլման նվազումը նույնպես պատճառաբանում էին զրանցված գյուղացիների քշումը և նրանց վատորակ աշխատանքով: Այդ պատճառով էլ նրանք գործարանների վարչությունից պահանջում էին միջոցներ ձեռնարկել զրանցված գյուղացիների արտադրողականությունը բարձրացնելու և նրանց հանքերի ու գործարանների հետ լիովին կապելու համար:

Կովկասյան զորքերի գլխավոր հրամանատար իշխան Յիցիանովը 1805 թ. նոյեմբերի 28-ին ֆինանսների մինիստրին դրած իր ղեկուցադրումն այսպես էր, թե անհրաժեշտ է Ախթալայի և Ալավերդու հանքերն ու գործարանները կապալով հանձնել հույն հանքագործներին, առաջարկելով վերջիններին հասնել և գործարանների շահագործումը կազմակերպել ազատ վարձու աշխատանքի, և ոչ թե զրանցված գյուղացիների միջոցով³⁶:

Մի քանի տարի հետո Պետերբուրգում Հեռնային խորհուրդը քննելով Հայաստանի պղնձարդյունաբերության վիճակի հարցը, եկավ այն եզրակացության, որ գործարաններին զրանցված գյուղացիները պետք է դրադվեն հողագործությամբ, իսկ հույն հանքագործներին և կապալառուներին հարկավոր է հանձնարարել, որ նրանք հանքերի և գործարանների շահագործումը վարեն ազատ վարձու աշխատանքի միջոցով³⁷:

Սակայն ցարական կառավարությունը բոլորովին էլ ցանկություն չուներ փոխելու բանվորների ու ձորտ գյուղացիների համար սահմանված շահագործման սխեման և երբ 13-ամյա գոյությունից հետո, 1816 թ. Ալավերդու և Ախթալայի պետական պոստսիստի գործարանները նորից հանձնվեցին հույն հանքագործներին և կապալառուներին, զրանցված գյուղացիների դրությունը ավելի ծանրացավ: Ցարական կառավարությունը Հայաստանի լեռնահանքային արդյունաբերության մեջ ոչ միայն չվերացրեց զրանցված գյուղացիների շահագործման դժան սխեման, այլև ընդառաջելով հույն հանքագործների և կապալառուների ցանկություններին, զրանցված գյուղացիների համար սահմանեց ավելի ցածր վարձատրություն, քան թե նրանք ստանում էին պետական պոստսիստի գործարանի գոյության ժամանակ: Ընդ որում նրանք այժմ պարտավոր էին մեկ ամսվա փոխարեն աշխատելու երկու ամիս³⁸:

Ստեղծված տաժանելի պայմանները, զրանցված գյուղացիների մասսայական զժգոհությունները, 1826—28 թթ. ուսուսարական պատերազմի արհավիրքները, ինչպես նաև պատերազմական գործողությունների կապակցությամբ ժողովրդի վրին ծանրացած բազմաթիվ պարտավորությունները ցարական կառավարությանը ստիպեցին որոշ չափով կրճատել հանքերին ու գործարաններին ամրացված զրանցված գյուղացիների թիվը: Մի պաշտոնական հաղորդման մեջ կարդում ենք, որ 1828 թ., երբ գյուղացիները պատերազմի պատճառով շատ պարտավորություններ ունեին, որոշվեց թեթևացնել նրանց

³⁶ «Акты», т. II, № 218, 220: ИГИАЛ, ф. 37, оп. II, л. 7, лл. 27—28.

³⁷ ИГИАЛ, ф. 37, оп. II, л. 7, л. 97.

³⁸ Նույն տեղում, л. 118, лл. 322—323.

գրությունը և 155 մարդու փոխարեն Ղազախից և Բորչալուից գործարանային աշխատանքի ուղարկել 100 մարդ³⁹։ Այս փոքրիկ զիջումը տեկց միայն մի քանի տարի։ 1831 թ. սենատորներ Կուտայսովի և Մեչնիկովի ստուգման ժամանակ հույն հանքագործները բողոքեցին կովկասյան իշխանությունների այս միջոցառման դեմ⁴⁰։ Սենատորները պահանջեցին ոչ միայն վերականգնել նախկին գրությունը, այլև ավելացնել դրանցված գյուղացիների թիվը⁴¹։ Սենատի որոշմամբ 1834 թ. վերականգնվում է նախկին վիճակը։ Ղազախի և Բորչալուի հայկական գյուղերը նորից պարտավոր էին գործարաններն ուղարկել 155 մարդ՝ 8 ամիս աշխատելու պայմանով։ Միաժամանակ, զրանցված հայ գյուղացիները աշխատանքի պետք է ներկայանային ավելի քան 75 ձիերով⁴²։

Հայ գյուղացիության նկատմամբ ցարական իշխանության այս նոր կամայականությունն առաջ բերեց մասսայական զժգոհություն։ Մի պաշտոնական հաղորդման մեջ ասված է, որ հայերն ամբողջ գյուղերով բողոքում են իրենց վրա դրված ծանր պարտավորության կապակցությամբ։ Սակայն նրանց պոռնացված է, թե գյուղերը պարտավոր են կատարել պետական որոշումը, որ նրանց զժգոհությունն անհիմն է։ «Այդ կապակցությամբ եղած բոլոր բողոքները թողնվել են անհետևանք» — գրում էր ցարական չինովնիկը⁴³։

1843 թ. փետրվարի 13-ին Ղազախի տեղամասի Կոթիգեղ գյուղի բնակիչները դիմում են կովկասյան կառավարչական օրգաններին և խնդրում իրենց ազատել գործարանային պարտավորություններից։ Նրանք գրում էին, թե Ղազախի տեղամասի հայկական գյուղերում 983 հոգի հասել են այնպիսի գրության, որ օրվա հացի կարոտ են։ Նրանք հաղորդում են նաև, որ 1842 թ. ղեկավարներին իրենց մոտ եկած պետական չինովնիկը խոստացավ գյուղացիների այդ գրության մասին հաղորդել ուր հարկն է, բայց մինչև այժմ ոչ մի արդյունք չկա⁴⁴։ Պետական չինովնիկը, որ պրագմում էր այդ խնդրագրի քննությամբ, ստիպված էր իր ղեկուցադրում խոստովանել, որ Ղազախի և Բորչալուի տեղամասերի գյուղացիները շատ ծանր կացության մեջ են գտնվում։ Երանցված գյուղացիները տարիներ շարունակ գանդառվում են իրենց ծանր գրության մասին, որովհետև գործարանային աշխատանքի են ուղարկվում ամեն տարի

³⁹ Նույն տեղում, թ. 229.

⁴⁰ «Այդ մասին բողոքել են հույն հանքագործները, որոնք միշտ բողոքում են իրենց գրության մասին, թեպետ նրանք 1829 թ. դանձարանից ստացել են 4 հազար ուսույթի օգնություն» — գրում էր բարոն Ռոգենը (տե՛ս ՍՀԿԱ.Դ, ֆ. 37, օղ. 3, ձ. 550, լ. 6)։

⁴¹ ՍՀԿԱ.Դ, ֆ. 37, օղ. 11, ձ. 448, լ. 210

⁴² Նույն տեղում։

⁴³ Նույն տեղում, ֆ. 44, օղ. 2, ձ. 389, լ. 4—94

⁴⁴ Մի ղեկուցադրում կարգում ենք, թե հայերի մասսայական զժգոհությունը կապված է 8 հազար հայ գյուղացիների գործարանային ծանր աշխատանքից ազատագրվելու հետ (տե՛ս ՍՀԿԱ.Դ, ֆ. 37, օղ. 11, ձ. 448, լ. 206)։

⁴⁵ ՍՀԿԱ.Դ, ֆ. 37, օղ. 11, ձ. 448, լ. 210—211.

Մենք փորձեցինք Թրիխտի և Լենինգրադի պետական պատմական կենտրոնական արխիվների ֆոնդերում գտնել Կոթիգեղ գյուղի բնակիչների կողմից դրված այդ խնդրագրի խնդրականը, որը շատ ուշադրավ է նաև այն տեսակետից, որ նրանք հանդես են գալիս Ղազախի տեղամասի 22 հայկական գյուղերի բնակիչների անունից, բայց զժրախտաբար այդ առաջիմ մեղ չի հաջողվել։ Խնդրագրի բովանդակությունն այստեղ բերված է այդ հարցով զրադվող չինովնիկի շարադրությամբ։

8 ամիս տևողությամբ 1240 մարդ: Եվ դա այն դեպքում, երբ տեղերում մյուսների հետ համահավասար նրանք վճարում են բոլոր հարկերը և կատարում պետական բոլոր պարտավորությունները: Իր եզրակացության մեջ նա գրում էր, թե գյուղացիներին անհրաժեշտ է ազատել ձիեր տրամադրելուց, նպատակահարմար գտնելով 155 հոգու փոխարեն ուղարկել մինչև 100 հոգի և, վերջապես, խիստ կերպով հսկել, որ չսլաքվեն գյուղացիներին հասանելի գումարները⁴⁵:

Ինչպես տեսնում ենք, շատ համեստ էին այն առաջարկությունները, որոնք իբր պետք է թեթևացնեին հայ գյուղացիների տնտեսական դրությունը: Սակայն կարևորն այն է, որ գրանցված գյուղացիները ձգտում էին ազատագրվել գործարանային ստրկությունից և զբաղվել միայն իրենց ծայր աստիճան քայլված տնտեսությամբ: Կառավարող շրջանները զգում էին, որ դրությունը այնքան է սրվել, որ 8 հազար հայ գյուղացիները բողոքներից և խնդրագրերից բացի կարող էին ավելի վճռական միջոցների դիմել: Գոթիգեդի գյուղացիների խնդրագիրը այս անգամ ինչ-որ դեր կատարեց: Միաժամանակ պարզվեցին նաև հույն հանքագործների շարաշահությունները պետության և հայ գյուղացիների նկատմամբ⁴⁶: Այդ շարաշահումների մասին բազմաթիվ փաստեր են բերված «Գրանցված գյուղացիների մասին» Անդրկովկասի Լեկրամասի գլխավոր վարչության խորհրդի 1845 թ. զեկուցագրում: Այստեղ խոսվում է այն մասին, որ պետությունը գյուղացիներին կտրելով երկրագործությունից բավական վնաս է կրում: Այսպես, օրինակ, գանձարանը հույներից ստանում է ընդամենը 4 հազար ռուբլի, իսկ միայն Նուլավեր գյուղը պետությանը վճարում է 1500 ռուբլի: Այդ գյուղը կարող էր կրկնակին վճարել, եթե 50 մարդ աշխատանքի շուղարկվեին գործարան: Ի դեպ, Շուլավերի գյուղացիները հույն հանքագործներին սիստեմատիկորեն խոշոր գումարներ վճարելով իրենց ազատել են գործարանային պարտավորություններից: Սիթե լավ չէր լինի, — ասվում է զեկուցագրում, — եթե այդ գումարները մտնեին պետական գանձարանը⁴⁷: Ինչպես, հարցնում են զեկուցագրի հեղինակները, արդյոք հանքերը և գործարանները կապալով հանձնել մի մարդու բայց դա կարող էր հասցնել հույն հանքագործների քայքայմանը և հանքերի դիշատիչ շահագործմանը: Ավելի լավ է պահպանել նախկին դրությունը⁴⁸: Մոկայն ցարական կառավարությունը, որ այդ ժամանակ շահագրգռված էր Հայաստանի պղնձի արդյունաբերության արտադրանքի բարձրացումով և անհանգստանում էր գրանցված գյուղացիներին մասսայական զայրույթից, մտածում էր այդ խնդրին ավելի որոշակի լուծում տալ:

Ուշագրավ է, որ անսպասելի կերպով օգնության է հասնում ցարական արքունիքի բարձրաստիճան շինովնիկներից մեկը, սենատոր Գառնը, որը նիկոլայ I կայսեր հանձնարարությամբ դեռևս 1838 թ. ստուգման նպատակով

⁴⁵ ЦГИАЛ, ф. 37, оп. 11, д. 448, л. 211.

Մի պաշտոնական զեկուցագրում Ղադախի հայ գյուղացիներին հույն հանքագործների կողմից արվող վարձատրության մասին կարդում ենք. «22 армянских селений вознаграждаются за выставку 100 рабочих и 70 лошадей в течение 8 месяцев 23 руб. 18 коп., что удостоверяется официальными фактами».

⁴⁶ ЦГИАЛ, ф. 37, оп. 11, д. 448, л. 213.

⁴⁷ Նույն տեղում, թ. 214.

⁴⁸ Նույն տեղում, թ. 217.

և զեղել էր Անդրկովկասում և ծանոթ էր Հայաստանի պղնձարդյունաբերությանը՝ վիճակին: Նա իր ներկայացրած ֆինանսական ուժերով նախագծի մեջ հարց է բարձրացնում՝ վերացնել զրանցված գյուղացիների կատաղորիան, իսկ արդյունաբերողներին հանձնարարել՝ բանվորներ վարձել կամավոր համաձայնությունով⁴⁹:

Գրանցված գյուղացիներին ազատելու տրամադրություն կար նաև Լեոնային ղեկարտամենտում: Այսպես, 1843 թ. Ախթալայի կալվածատեր իշխան Մելիքովը խնդրում է իրեն հանձնել Ախթալայի հանքերի շահագործումը և միաժամանակ պահանջում է այդ նպատակի համար տրամադրել զրանցված գյուղացիներ⁵⁰: Բավական երկար ձգձգումից հետո, 1846 թ. Լեոնային ղեկարտամենտը գրում է Կովկասի փոխարքային, թե Ախթալայի հանքերը մեծ նշանակություն չունեն պետության համար և այդ պատճառով էլ կարելի է թույլ տալ իշխան Մելիքովին՝ իր հաշվին սկսելու հանքերի շահագործումը, դրա համար օգտագործելով իր գյուղացիներին կամ վարձելով բանվորներ⁵¹: Ինչ վերաբերում է Մելիքովի պահանջին՝ գործարանին գյուղացիներ զրանցելու մասին, ապա օրենքը թույլ է տալիս այդ, սակայն այժմ վերոհիշյալ խնդրքը հնարավոր չէ բավարարել, որովհետև գյուղացիները գործարանային աշխատանքի պարտավորությունը համարում են անչափ ծանր և բազմաթիվ անգամներ դիմել են՝ ազատվելու հարցով⁵²: Յարական շինությունների և պաշտոնական օրգանների գրագրություններից երևում է, որ գրանցված գյուղացիների կողմից մղված պայքարն ափսոսի սուր բնույթ էր ստացել, որ կառավարությունը ստիպված է եղել դրա դեմ այդ հարցով: Վերջապես, 1846 թ. դեկտեմբերի 18-ին կովկասյան կոմիտեն ընդունում է «Գյուղացիների և գործարանների հարցի մասին» որոշումը: Այդ որոշումով թույլատրվում էր Ալավերդու և Շամլուղի հանքերն ու գործարանները իրենց հոգևոր և անտանգերով աճուրդի միջոցով փոխանցել կապալավարձային սիստեմի: Որոշվեց գործարաններից հանել զրանցված գյուղացիներին և նրանց ազատել գործարանային բոլոր պարտավորություններից. բայց պետական հարկերը նշանակելու դեպքում հաշվի առնել նրանց վրա եղած գործարանային պարտավորությունը և գանձարանի օգտին ավելացնել նրանցից գանձվող հարկերը⁵³:

1849 թ. նոյեմբերի 30-ին Կովկասի փոխարքան հաղորդում է, որ 1850 թ. հունվարի 1-ից գրանցված գյուղացիներն ազատվում են գործարանային պարտավորություններից և նրանց վրա են դրվում պետական գյուղացիների պարտավորությունները և հարկերը⁵⁴: Նույն տարվա դեկտեմբերի 24-ի փոխարքայի պաշտոնական գրության մեջ ասված է, որ հուլյն հանքագործները, որոնք աճուրդի միջոցով ձեռք են բերել Ալավերդու և Շամլուղի հանքերն ու գործարանները, սկսած 1850 թ. հունվարի 1-ից իրավունք չունեն պահանջելու զրանցված գյուղացիներ և պարտավոր են ոչնչացնելու համար վերադարձնել այն

⁴⁹ «Обязанность жителей некоторых деревень Борчалинского и Казахского уездов Тифлисского и Елисаветопольского уездов доставлять горным промышленникам рабочих людей и лошадей отменяется» (տե՛ս ЦГИАЛ, ֆ. 37, օպ. 11, Ժ. 448, Լ. 15).

⁵⁰ ЦГИАЛ, ֆ. 37, օպ. 11, Ժ. 448, Լ. 346.

⁵¹ Նույն տեղում, Ժ. 347.

⁵² Նույն տեղում, Ժ. 348.

⁵³ Նույն տեղում, ԺԺ. 353—354.

⁵⁴ Նույն տեղում, Ժ. 413.

գրքերը, որտեղ գրանցված են գյուղացիները⁵⁵։ Այսպիսով, համարյա հարյուրամյա գոյությունից հետո, Հայաստանի պղնձարդյունարերության մեջ վերացվեց գրանցված գյուղացիների տաժառակիր աշխատանքի սխտեմը։

Գրանցված գյուղացիների սխտեմի վերացումը դրական դեր կատարեց Հայաստանի պղնձարդյունարերության հետագա զարգացման գործում։ 1850 թ. հետո, Հայաստանի լեռնահանքային արդյունարերությունը, թեպետ դանդաղորեն, կանգնեց կապիտալիստական զարգացման ուղու վրա։ Կապիտալիստական հարարերությունների զարգացման հետ միասին սկսեց ձևավորվել Հայաստանի բանվոր դասակարգը, այն առաջավոր ուժը, որն արդեն ի վիճակի էր կազմակերպված ձևով պայքարելու շահագործողների դեմ։

ПОЛОЖЕНИЕ «ПРИПИСНЫХ КРЕСТЬЯН» В МЕДНОРУДНОЙ ПРОМЫШЛЕННОСТИ АРМЕНИИ

В. А. КАЛАШЯН

(Р е з ю м е)

Происхождение категории приписных крестьян в Армении связано с возникновением местной горнорудной промышленности. Грузинский царь Ираклий II предоставил месторождения серебра и меди в Ахтале и Алаверди в распоряжение греков-рудопромышленников и по их требованию, насильственно, для принудительной работы, приписал к заводам 32 армянских селения, обязав их предоставлять требуемые рабочие руки.

Греческие рудопромышленники никаких юридических обязательств, ограничивающих их права по отношению к приписным крестьянам, не имели. Обладая свободой действия, рудопромышленники бесчеловечно эксплуатировали приписных крестьян. Рабочие обязаны были являться на работу со своим инвентарем и тягловой силой. При отсутствии собственных инструментов и лошадей у крестьян удерживали треть поденной платы. Приписные крестьяне работали в некрепленных рудниках, так называемых «греческих норах», всегда заполненных водой и находившихся под угрозой обвала. Широко применялся труд подростков и мальчиков.

В положении приписных крестьян ничего не изменилось, когда в 1803 г. Ахтальский и Алавердский заводы стали государственными по-сессионными предприятиями. Царское правительство, сохранив систему насильственного прикрепления крестьян к заводам, решило удвоить число приписных крестьян и до мелочей регламентировать их работу. Эти мероприятия вызвали волну возмущения среди армянского крестьянства. Но малейшее недовольство существующим порядком со стороны приписных крестьян объявлялось бунтом, и «бунтовщики» подвергались жестоким мерам наказания.

⁵⁵ Նույն տեղում, թթ. 415—417։

После 1816 г., когда царское правительство отказалось от дальнейшей государственной эксплуатации промышленности Армении, еще более ухудшилось положение приписных крестьян. Греческие рудопромышленники снова стали хозяевами дела. При этом они смогли добиться, чтобы каждый приписной крестьянин вместо установленного в прошлом одного месяца в году теперь работал два месяца, и одновременно была снижена поденная плата за работу на заводе и в рудниках.

Массовое недовольство армянского крестьянства, его длительная борьба против феодальной системы эксплуатации заставили царскую власть заняться вопросом приписных крестьян Алавердского промышленного района. С 1 января 1850 г., после почти столетнего существования, категория приписных крестьян в Армении была отменена. Жизнь показала, что принудительный труд приписных крестьян был малопродуктивен и что он нанес большой вред развитию медно-рудной промышленности Армении.

Отмена системы принудительного труда сыграла определенную положительную роль в деле развития медной промышленности Армении. После 1850 года, хотя и очень медленно, но все же меднорудная промышленность Армении стала на путь капиталистического развития. А с развитием капиталистических отношений в Армении началось формирование рабочего класса, той передовой силы общества, которая уже была способна более организованно бороться против своих угнетателей, за социальную и политическую свободу.